

金壇王肯堂宇泰甫輯

痘疹

源

錢氏曰夫胎在腹中月至六七則已成形食母腹之穢液入兒五藏
食至十月卽穢液盡胃至生時兒口中猶有不潔痘母以手拭淨則
無疾病俗以黃連水粉不其勝糞之穢此亦母之不潔份氣入兒藏
中本先因微寒又遇風寒邪氣相搏而成痘疹也未由欲作之時熱
動五藏則五藏之證先見初欲病時先呵欠頓悶驚悸乍涼乍熱手
足冷面赤赤燥咳嗽噴嚏此五藏證俱見也呵欠頓悶者肝也時
發驚悸者心也乍涼乍熱手足冷者脾也面赤腮頰赤咳嗽噴嚏者
肺也惟腎無候以在腑下不令歲故也凡察此乃五藏毒若出歸
一證肝水病也

脈氣不爲癰腫

患者瘡變倒靨

而黑陷則歸腎也此由不慎風冷

至也 東垣曰

癰疹始出之證必先見面燥頰赤目胞赤而久頰悶乍熱乍涼咳嗽噴嚏足稍冷多睡睡驚並瘡疹之證或生膿泡大癰或生小紅癰或生癰疹此三等不同何故俱顯上證而後乃出蓋已上諸證太陽寒水起於右腎之下煎熬左腎足太陽膀胱寒水夾脊逆流上頭下額逆手太陽丙火不得傳道逆於面上故顯是證蓋壬癸寒水尅丙丁熱火故也諸癰證皆從寒水逆流而出也學者當知此理乃敢用藥夫胞者一名赤宮一名丹田一名命門男子藏精施化婦人繫胞有孕俱爲生化之源非五行也非水亦非火此天地之異名也象坤土之生萬物也夫人之始生也血海始淨一日二日精勝其血則爲男子三日四日五日血脈已旺精不勝血則爲女子乃二物相搏長育人生之謂也又謂之胎前母腹十月之間隨母呼吸呼吸者陽氣也而胎前

茲益精氣所從出皆隨母血兒隨母長筋骨

血脉形氣俱足一月降生口中尚有惡血啼聲一發隨吸而下此惡
血復歸命門胞中儲於一在胎中而不發直至兒因內傷乳食濕熱
之氣下陷合於腎中二火交攻榮氣不從逆於肉理惡血乃發諸癰
疹皆出於腎水其瘍後聚肉理歸於陽明故三番癰始顯之證皆足
太陽壬膀胱起丙小腸其始出皆見於面終歸於陽明肉理熱化爲
膿者也二火熾盛反勝寒水通身俱出此皆從足太陽傳變中來也
萬氏曰痘疹之原有論穢毒者有論淫火者有論時行正病者靡
有定論將謂穢毒淫火耶則一歲之中大而郡縣小而村落病者相
似而死相繼未必人人若此之甚也將謂時行正病邪何以自少至
老但作一度厥後再無傳染也蓋父母於子一體而分精血之毒已
畜於陽施陰化之始固不待誕生之頃嚙其血而後有此證也況男
子情其氣以養其精女子耗其氣以養其血苟失所養卽貽他日之
患子之受於父母者雖殊其爲毒則一也豈
一淫火起於氣爲

陽毒而易治女子淫火起於血爲陰毒而難治

病亦有其時但觀夫年之所加及有四時不正之氣卽知有是正病

也然則待時而發者胎毒也或速而危或徐而持或暴而死者氣之

微甚所使也發則其毒洩矣所以終身但作一度後有茲氣不復傳

染焉但痘爲胎毒昭昭矣其間或疎而輕或密而重或重變輕或輕

變重變化叵測是又有說也疎而輕者始終如一密而重者變怪百

出或因父母相傳而然或因疫癘相染而然或因鬼疰相著而然杳

冥恍惚出於聞見思慮之所不及此與智者道之癡人前不必說夢

也何者蓋痘疹之毒父母原自有之雖常作過一番而臟腑經絡皮

毛肌肉骨髓之間餘毒猶有存者一但分形化氣注之於子其毒亦

隨之洩矣所以子之瘡癥多矣親也加之調攝失宜放恣無忌其毒

益甚瘡癥之候沉困危殆夫此非父母之所致也凡子之侏儒跛

躄必肖於親况痘疹之毒乎且人受天地之氣以生天地之氣變

之氣亦變或遇遠正失守淫勝鬱復之紀德令乖常苛留迭見自俗
厲氣傳染證候相似所以輕重則俱重若有主之者是則疫
癘之所爲也故人之癘疾不外者精靈不散遊魂往來隨氣而行常
以其氣淫於平人而爲之疾如癘癘之傳染然形直龐厚福澤悠遠
者不能相及苟體虛福薄之人陰陽舛亂之歲則膏肓之堅臺駘之
崇互相染著反復變化術不能禁工不能治也此非兒痘之害乎夫
治此三者當奈何曰必爲之豫解其毒平其氣遷其處庶乎可免矣
按痘疹之發顯是天行時氣麗市村落互相傳染輕則俱輕重則
俱重雖有異於衆者十之一二而已豈可槩謂胎毒哉然疫癘終身
不染者比此皆是而痘疹無一人得免疫癘一染之後不能保其不
再染而痘瘡一發不再發則胎毒之說又何可盡廢乎至謂淫火穢
血古亦有之而何獨無痘疹之患欲以破胎毒之說則又不然天下
之無而忽有者多矣草有名虞美八者虞
五寵姬也爲項王

死世哀之爲之歌對草倚殺悽慟而草輒搖其情識也方其未有楚則寵姬亦無況有草耶一切衆生自妄顛倒而成三界如之又何疑乎痘疹

預防

萬痘瘡之病皆由父母胎毒畜於命門之中命門者右腎相火也爲人身生化之本故毒藏焉如遇冬令溫和陽氣熾洩人則感之觸動相火至春夏生長之時其毒乃發傳染相似是謂天行疫癘也未出痘疹者但覺冬溫即當預防宜服解毒之藥如辰砂散三豆湯代天宣化丸皆可用也頻頻與之使瘡疹之毒輕減自然易出易收無陷伏鬱遏留連之患其辰砂散三豆湯代天宣化丸以解時行疫癘之毒則可或因父母精血不足者或其人素有他疾者或發熱之時別藏形諸發見者並宜兼而治之不可徒恃解毒而竟忘其本也如脾胃素弱者宜以養脾爲重解毒次之養脾丸服三之二解毒三之一

如因父母奉養過厚精血畜毒素多胎病者宜二毒併解以遡源解
毒湯宣化丸相間服之丹溪云痘疹初出時或未出時見時
人有患者預服此藥多者令少重者令輕以絲水近蒂三寸連皮子
燒灰存性為末沙糖拌勻乾喫入硃砂末更妙

三豆湯

赤小豆 黑豆 萊菔各一升 小甘草三升

右以三豆淘淨同甘草用雪水八升如無用長煮豆熟為度去甘

草將豆晒乾又入汁再浸將晒汁盡為度逐日取豆水煮任意食

代天宣化丸即韓氏五瘟丹

人中黃屬土甲巳 黃芩屬金乙庚 黃柏屬水丙辛 梔子仁屬木丁壬

年為黃連屬火戊癸 苦參佐 荆芥穗佐 防風去蘆 連翹

酒洗 山豆根佐 牛蒡子酒淘炒 紫蘇葉佐

先視其年所屬取其藥以為君其餘主歲者為臣為君者倍之為

臣者牛之爲佐者如臣四分之三於冬至日修合爲末取雪水煮
升麻和竹瀝調神麴爲丸外用辰砂雄黃爲衣每服竹葉湯下
製人中黃法取甘草大者不拘多少用新竹一節納甘草於中仍
緊塞無節空處放尿缸中浸七七日取出晒乾聽用

迴源解毒湯

當歸身 川芎 生地黄 白芍藥 人參 連翹 黃連

生甘草 陳皮 木通 各等分

右剉細加淡竹葉十片水一盞煎半盞去渣溫服無時

養脾丸

人參 白朮 當歸 川芎 各半 木香 青皮 黃連

陳皮 各一 砂仁 山楂肉 神麴 炒 麥芽 炒各五分

右爲末水調神麴糊丸如麻子大每服三五十九陳倉米飲下

消瘰丹 未曾山痘及臨出者宜服瘰癧口預服

辰砂研為極細末水飛過週歲以下 絲瓜近蒂者三寸燒存性為末亦如前製

右用蜜調下或將鴿子交鳩煮熟以辰砂搽上令兒服之屢試有驗

秘傳保嬰丹

真紫草去蘆酒洗 豆藤燒灰存性各四 防風去蘆及又

升麻取新者鹽水炒引 荆芥穗去梗 牛蒡子炒各二

真天竹黃蟾酥自取勿用 真牛黃三味各一

大朱砂飛研取淨末三 甘草稍去皮二

赤小豆 黑小豆 綠豆各四十九粒炒勿

右各取細末和勻另用紫草三兩入水三碗煎去查熬成膏半碗

八生砂糖半碗和劑為丸如芡實大另用飛過朱砂為衣未出痘

之先濃煎甘草湯每服小兒磨一丸大人二丸如已發熱之時生

薑湯磨服厚蓋取汗多者可少少者可無大有神効

袁氏痘前治法凡欲治痘須在未發之先預識其證而分別用藥重

者可輕輕者必愈但未痘而愈則醫者無功故多不肯盡心及其既發又無及矣仁者須以救生保嬰爲心寧我無功不可使嬰兒失命備陳十八證治法於後

孩兒未痘之先感冒風邪身中火烙頭痛自汗咳嗽不已傷寒未愈而痘隨出焉痘家謂之猿猴跳鎖傷寒之後元氣虧瀉須滋陰補血解熱疎風有滋陰三寶散可服

滋陰三寶散

當歸

黃芪

生地

白茯苓

芍藥

川芎

橘紅

甘草

防風

玄參

麥門冬

二味加倍

右剉細姜煎

有飲食不能樽節暑濕不能護養肚腹傷壞洩瀉頻仍飲食懶進肢體羸瘦愈未幾而痘隨出焉痘家謂之觀音拂座此與先泄而出痘者不同平居無恙忽泄而痘出此則毒隨泄減其痘反美今久泄初愈而痘出則脾虛元氣弱如單服補藥恐來虛脹若冷藥則毫釐不可用者只宜調脾如四製白朮之類可也

四製白朮散

白朮入兩分作四分一分砂仁炒一分糯米炒一分麩皮炒一分
壁土炒搜淨爲末量大小乳酒調服

痘症之後寒熱消燥肌肉漸瘦或乍愈而痘出或帶瘡而患痘名爲
馬馳劍道多有濕熱釀成此禍草果常山斷不可用卽柴胡亦是劫
藥須參苓白朮微加消食祛熱之藥如八珍膏衛元湯可用也
八珍膏

人參一 蜜四 乳汁梨汁同熬 右加製過紫河車酒服兩匙
衛元湯

人參 白朮 全蝎 山查 半夏 當歸 橘紅 枳殼

烏梅 右薑棗煎加乳服

小兒纔五六歲元體薄弱身發火熱乾渴患嗽疹出未幾而痘隨出
焉此太陰脾經症也痘家謂之一輩航海此與尋常先疹後痘者不

刀斗預防

卷之四

六

同凡先痘後疹者謂之逆先疹後痘者謂之順此則身弱發熱原患嗽渴又病疹初愈而痘隨後出其勢頗危須補陰清肺培脾黃芪毫

內托至奇湯

天門冬 麥門冬 人參 白朮 當歸 茯苓 薏苡仁

川芎 陳皮 甘草 桔梗 銀杏皮去 右加糯米煎頻頻服

小兒平時患疳積肚大有青筋四肢羸瘦變爲丁奚倏然痘發此謂之三仙入洞治之且莫消疳積厚朴檳榔柴連冷藥及抱龍丸之類皆不可用宜服益黃散滴滴金可也

滴滴金

蝦蟆肚內有黃金取出金來和酒服

小兒風寒發熱時發火熱自頭連身遍啓丹瘤愈未幾而痘隨形痘家謂之倒挂銀瓶多發肝心二經痘忌用三黃宜犀角地黃湯紫草散可也

犀角地黄湯

犀角

用乳汁磨一升

牡丹皮

芍藥

生地黄

右加燈草水煎服

小兒未痘之前火烙臉赤眼睛直豎手足撒搐口燥譫語驚厥屢次不數日而痘隨形焉痘家謂之霜橋印迹此與尋常後出痘者不同凡先驚後痘痘出驚止決係心經之痘多是吉徵此則驚甚體虛或見痘而驚不止殊砂金石毫不可用宜茯神湯可也

茯神湯

生地

當歸

甘草

白芍藥

茯神

遠志

桔梗

右加燈草薑煎服

小兒未痘之前身熱自汗口中咯血或鼻衄或溺血不數日而痘隨形焉謂之藕池踏水心官失守致血妄行宜清心按火不可妄用寒涼之劑野仙獨聖散可用也

野仙獨聖散

匾栢 玄參 地榆 血見愁 生地黄 木通 芍藥

當歸身 甘草 乾薑

小兒未痘之先身發火熱飲食懶殮肚腹膨脹眼胞浮腫睡卧不安
不數日而痘隨形焉謂之石鼓無鳴宜理脾補氣參苓白朮散加減
用之可也

參苓白朮散加減

人參 茯苓 山藥 白扁豆 白朮 陳皮 蓮肉 當歸

薏苡仁 防風 枳實 右劉為散隨宜加減

小兒身發火熱自汗不止眼睛昏花呵欠啼叫未愈而痘隨見焉謂
之赤澤栽蓮宜斂汗補肝宜黃芪熬人乳頻服之并固真湯可也
固真湯

綿黃芪 二用 酸棗仁 人參 白芍藥 當歸 生地黄

茯苓 甘草 陳皮 右咬咀生薑煎服

小兒平時父母不能護從恣其出入跌踰傷損頭面肢體未愈而痘
隨出為謂之破綻澄漿宜補血扶脾龍金湯可用也

龍金湯

木香 生地黄 芍藥 紅花 當歸 甘草 白芷

土木鱉 橘紅 木通 桔梗 白朮 右加薑棗煎服

兒輩胸膈飽脹飲食厭惡身發火熱嘔吐頻頻未愈而痘隨發焉醫
家謂之逐鹿亡羊此與尋常先吐後出痘者不同大凡因發痘而吐
毒隨吐滅出痘必輕今則先因胃氣有傷腹脹惡食吐又頻頻不止
則危迫之象矣須要調理脾胃如紫霞黃露飲可用也

紫霞黃露飲

乾薑 半夏 藿香 砂仁 枳殼 陳皮 荳蔻 白朮 炒

青皮 右改咀水煎服

小兒面色萎黃時作潮熱眼胞浮腫肚腹絞痛此為小瘳未愈而痘

隨出焉醫家謂之推車陷雪此因脾胃有傷漸成疳積祛蟲逐積之藥俱不可用惟調理脾胃為上策龍旋散最妙

龍旋散

青皮

乾姜

官桂

玄胡索

醋炒

丁香

荳蔻

砂仁

枳殼

檳榔

厚朴

香附

山楂

艾葉

右用姜枣煎服

小兒遍身生瘡頭頸膿軍旋繞手足關節如蛇皮纏裹寒熱不時噴嚏不止未愈而痘隨出焉醫家謂之霜逐梧桐法宜涼血衛脾貞元散可用也

貞元散

甘草

桔梗

人參

白芍藥

黃耆

茯苓

木通

紅花

白朮

生地黄

白芷

升麻

陳皮

天花粉

右用

煎服

燈草

孩兒心中刺痛未愈而痘隨出焉醫家謂之犯奪天梯此非氣逆即為寒積龍蟠飲可用也

龍蟠飲

人參

當歸

枳殼

白荳蔻

丁香

木香

官桂

青皮

牛夏 山查 三稜 二蚕砂 厚朴 右用生薑酒煎服
小兒兩眼風熱紅腫羞明刺痛難忍未愈而痘隨出焉醫家謂之彈
打天烏法宜清肝祛火滋玄審提陰氣穀精龍膽散可用也
穀精龍膽散

生地黃

紅花

荆芥

龍膽草

木通

甘草

赤芍藥

穀精草

白茯苓

風乾子

右加燈心煎服

小兒飲食過度傷損脾胃或飽悶或吞酸或吐瀉未愈而痘隨出焉
醫家謂之風燕失巢痘全資脾胃急宜消食理脾消導飲磨積散相
兼而用可也 消導飲

厚朴

枳實

砂仁

山查肉

半夏

神麩

檳榔

三稜

蓬朮

丁香

右加乾薑煎服

磨積散

乾薑

陳皮

麥芽

二蚕砂

右加生薑煎服

刀斗預防

卷之四

九